

ხ ე ლ შ ე კ რ უ ლ ე ბ ა N76/გ

ქ. მცხეთა

13 ივლისი 2015 წელი

მცხეთის მუნიციპალიტეტის საკრებულოს 2015 წლის 10 ივნისის N83 განკარგულების და მცხეთის მუნიციპალიტეტის გამგებლის 2015 წლის 12 ივნისის N727 ბრძანების თანახმად, ერთის მხრივ, მცხეთის მუნიციპალიტეტის გამგეობა, შემდგომში „შემსყიდველი“, წარმოდგენილი მუნიციპალიტეტის გამგებლის ზურაბ აბესაძის სახით და მეორეს მხრივ, შპს „ტექნიკა 07“, მისი დირექტორის ელუარდ ჩხეიძის სახით, შემდგომში „მომწოდებელი“, ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1 სოფ. ნაფეტვრებში N2 შიდა საუბნო გზების რეაბილიტაციის სამუშაოები - 1600 ლარი. (CPV45233100);
- 1.2 სოფ. მუხადწყაროში შიდა საუბნო გზების რეაბილიტაციის სამუშაოები - 10 000 ლარი. (CPV45233100);

2. სამუშაოს შესრულების ვადა და ღირებულება

- 2.1 სამუშაოს შესრულების ვადაა 2015 წლის 01 ოქტომბრის ჩათვლით ხელშეკრულებაზე ხელისმოწერის დღიდან;
- 2.2 ხელშეკრულების საერთო ღირებულება 11 600 (თერთმეტი ათას ექვსასი) ლარი.

2. ანგარიშსწორება

- 3.1 ანგარიშსწორება მოხდება უნააღლო ანგარიშსწორებით, ეტაპობრივად წარმოდგენილი ფორმა N2-ის მიხედვით.
- 3.2 სამუშაოს მიღება-ჩაბარებისთვის მიმწოდებელმა სამუშაოების დასრულების შემდგომ, შემსყიდველს უნდა წარუდგინოს ფორმა № 2, ფარული სამუშაოების ჩატარების აქტი (ფარული სამუშაოების შესრულების შემთხვევაში), სამხარაულის ან/და სხვა საექსპერტო აკრედიტაციის მქონე ექსპერტის დასკვნა, რომლითაც დგინდება შესრულებული სამუშაოების შესაბამისობა თანდართულ პროექტთან, ნახაზებთან, სპეციფიკაციებთან, ესკიზებთან და სხვა.
- 3.3 შესყიდვის ობიექტის მიღება-ჩაბარება განხორციელდება ორივე მხარის უფლებამოსილი პირების დასწრებით, მათ მიერ ხელმოწერილი მიღება-ჩაბარების აქტის საფუძველზე. მიღება-ჩაბარების აქტს შემსყიდველის მხრიდან ხელს აწერს მცხეთის მუნიციპალიტეტის გამგებლის ბრძანებით შექმნილი „მცხეთის მუნიციპალიტეტის მიერ შესყიდული სამუშაოს მიმღები კომისია“. დასრულებული სამუშაოების მიღება-ჩაბარების კომისიის მიერ ხელმოწერილ აქტს ამტკიცებს მცხეთის მუნიციპალიტეტის გამგებელი.
- 3.4 შემსყიდველი იტოვებს უფლებას დაიტოვოს ხელშეკრულების ღირებულების არაუმეტეს 20%, რომლის ანაზღაურება მოხდება სამუშაოს დასრულების შემდეგ მიმწოდებლის მიერ ექსპერტიზის დასკვნის წარმოდგენის და მიღება-ჩაბარების აქტის გაფორმების შემდეგ.

4. მხარეთა უფლება – მოვალეობები

- 4.1 „მომწოდებელი“ კისრულობს ვალდებულებას:
 - 4.1.1 შეასრულოს სამუშაო ხელშეკრულებით ნაკისრ ვადებში.
- 4.2 „შემსყიდველი“ კისრულობს ვალდებულებას:
 - 4.2.1 უზრუნველყოს თანხის ჩარიცხვა ხელშეკრულებით ნაკისრ ვადებში.

კუზრუნველყოს 1450 ლიტრი დიზელის საწვავით მომარაგება (სავარაუდო
ბუნებულბით 2610 ლარი).

5. მხარეთა პასუხისმგებლობა ხელშეკრულების პირობების დარღვევისას

5.1 თუ „მომწოდებელი“ არ ასრულებს ხელშეკრულებით გათვალისწინებულ ვალდებულებებს, „შემსყიდველი“ წერილობითი ფორმით აფრთხილებს დაიცვას ხელშეკრულების პირობები.

5.2 ვალდებულების კვლავ შეუსრულებლობის შემთხვევაში „შემსყიდველს“ უფლება აქვს განიხილოს ხელშეკრულების ვადამდე შეწყვეტის საკითხი.

5.3 სამუშაოს შესყიდვის არაჯეროვნად ან არშესრულების და ვადაგადაცილების შემთხვევაში „შემსყიდველი“ უფლებამოსილია „მომწოდებელს“ არ აუნაზღაუროს სამუშაოს ღირებულება და დააკისროს პირგასამტეხლო შესასრულებელი სამუშაოს ღირებულების 0,5%-ის ოდენობით ყოველ ვადაგადაცილებულ დღეზე.

6. ხელშეკრულების პირობების კონტროლი

6.1 მიმწოდებლის მიერ სახელმწიფო შესყიდვის ხელშეკრულებისა და მასში შემავალი დოკუმენტების პირობების შესრულებაზე კონტროლს, ობიექტზე შესრულებული სამუშაოების აქტების (ე.წ. ფორმა#2 ან/და ფორმა#3) შეფასებას, ინსპექტირებას და ხელისმოწერით დადასტურებას განახორციელებს მცხეთის მუნიციპალიტეტის გამგეობის არქიტექტურულ სამშენებლო საქმიანობაზე ზედამხედველობის სამსახური.

7. ხელშეკრულების ძალაში შესვლა

7.1 ხელშეკრულება ძალაში შედის ხელმოწერის დღიდან.

8. ხელშეკრულების პირობების გადასინჯვა

8.1 ხელშეკრულების პირობების შეცვლა დაუშვებელია თუ ამ ცვლილებების შედეგად იზრდება ხელშეკრულებაში დაფიქსირებული ფასები და უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9. ფორს – მაჟორი

9.1 მხარეები არ არიან პასუხისმგებელნი თავიანთ ვალდებულებათა სრულად ან ნაწილობრივ შესრულებაზე, თუ ეს შესრულება გამოწვეულია ისეთი გარემოებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალოდ ზემოქმედებას ახდენენ ხელშეკრულების შესრულებაზე.

10. დავები და მათი გადაწყვეტის წესი

10.1 წამოჭრილი დავები ან აზრთა სხადასხვაობა შესაძლებელია გადაწყვიტოს იქნეს ორივე მხარის ერთობლივი მოლაპარაკების საფუძველზე.

10.2 თუ „მომწოდებელი“ და „შემსყიდველი“ მოლაპარაკების დაწყებიდან 10 დღის განმავლობაში ვერ შესძლებენ მოლაპარაკების საფუძველზე გადაწყვიტონ დავა, მაშინ

...იერ მხარეს შეუძლია მიმართოს სასამართლოს მოქმედი კანონმდებლობით
...გენილი წესით.

11. სხვა პირობები

- 11.1 ამ ხელშეკრულებით გაუთვალისწინებელი საკითხები რეგულირდება საქართველოს კანონმდებლობით.
- 11.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის თანხმობის გარეშე.
- 11.3 ხელშეკრულება შედგენილია ქართულ ენაზე. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

12. ხელშეკრულების მოქმედების ვადა

12.1 ხელშეკრულების მოქმედების ვადაა 2015 წლის 21 დეკემბრის ჩათვლით.

13. მხარეთა რეკვიზიტები

„მოწოდებელი“

შპს „ტექნიკა 07“
ს/კ 401960598
ბანკი: „თი ბი სი ბანკი“

ბანკის კოდი: TBCBGE22
ა/ა GE85TB7380636080100001
მის: თბილისი, ბელიაშვილის N25
599060767

დირექტორი

ე. ჩხეიძე



„შემსყიდველი“

მცხეთის მუნიციპალიტეტის გამგეობა
ს/კ 236098824
ბანკი: „სახელმწიფო ხაზინა“

ბანკის კოდი: TRESGE22
ა/N GE24NB0330100200165022
მის: ქ. მცხეთა, ანტოქიის ქ. N7

გამგებელი



ზ. აბესაძე